


高朝從信錄

漢書門			
八	九	四	類
六	七	函	
二	四	架	
四	冊		



內閣文庫			
八	九	四	漢
六	七	函	書
二	四	架	
四	冊		

內閣文庫	
番號	漢 8794
冊數	24 ( 24 )
函號	284 63

三十三之九



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale




© Kodak, 2007 TM: Kodak



兩朝從信錄卷之三

十三 淺草文庫

祥雲庵常任



天啓七年

秀水

沈國元述

上御新殿百官朝賀

鳳陽府署戶軍民李光春、媼忠賢、建懷德祠

決孫文豸、顧同寅

文豸太倉黜生，同寅崑山人，以嫌忿互詰，遂罹殺身之禍，夫亦自取焉耳。

削奪蕭命官、汪輝、駱從宇、閑住

亦誣門戶故遭削奪

兩朝從信錄

卷之三

天七正月一

給內臣關防

徐文輔總督太倉銀庫節慎庫崔文昇總督漕運疏  
通河道查核京通等倉李明道提督漕運疏通河道  
兵部奉

聖旨毛文龍提兵海外蓄銳多年常思滅虜恢遼以報  
國今聞奴子蠢動精銳西來巢穴必虛宜抹馬厲兵長軀  
直搗以截斯醜之歸路以作後勁於關門度該帥義勇夙  
著計必出此你部卽刻差人傳諭知道了還着水陸倍道  
速達 朕旨有功之日破格優酬卿等亦各矢忠猷預商  
削勝之策以副朕東顧之虞

盜竊 天壇神器嚴緝之

兵部復奏偵探獲捷奉

聖旨連雲島之捷雖斬獲無幾而撫道伐謀之方畧將士  
用命之勞苦亦宜叙酬李嵩岳駿聲俱着加一級楊國棟  
雖已加銜 特恩論功行賞豈得獨遺還着再加一級餘  
諸吏士分別升賞俱依覆議行

御史劉重慶閑住

削奪曾楚卿

皆以門  
戶懸坐

總督閔洪學敬陳進兵形勢移駐地方疏畧曰臣不才謬  
膺督師之任東西南北惟力是視誰敢擇便偷安顧喫緊

關頭不係臣身之在彼在此，第論事之濟不濟耳。若徒聚三臣於一城，鯁鯁焉日講求勦撫之局，臣以為不必爾。蓋勦與撫立名雖殊，致效則一。主勦者不過得元惡而止，豈能殄滅其種類，主撫者不得元惡，將於何處歇手乎。此段見解，臣與黔之撫按二臣若合符節，毋庸更為推敲。總之欲議撫之功，必先修勦之機。兵有四機，地居一焉。機之所在，即是臣身宜往之所在，寧必拘貴陽哉。臣書生也不習為將，視之往事，竊謂黔之屢進屢劔，豈盡繇將懦兵弱之故。正坐不得地機之故耳。說者病之曰：輕進似矣，而未及所以矯輕之方。夫撫臣王三善時，其兵一十餘萬也，而云

以輕敗督臣蔡時，其餉百七十餘萬也，而又云以輕敗。今餉不及前之半，而兵僅可三之一，操何術而能矯輕為重耶。臣嘗聞之琴瑟不調，必改弦更張之。茲欲轉敗為功，似宜舍貴陽而別議進兵之路也。何者，貴陽之形勢利於守，不利於攻。大都與蜀之納谿相類，而險更倍焉。自貴陽百里至陸廣，拒河而守，猶易為力。自陸廣至大方，百七十里，寸寸皆賊巢，賊前可衝我，後可包我，左右可邀擊我，非得真正勁兵健將，贏糧景從，必不能進，即進必不能退。按兵法地形之篇曰：掛形者可以往，難以返；掛者懸也，下順而上逆也。可以往乘賊無備也，難以返，賊有備而我不能出。

也大方之役一一犯是，可爲明鑒矣。今且不能往，又何論難以返哉？先是臣待罪蜀中，監納谿軍事，訟言此地不宜進，宜從長寧進。聞者無不掩口而笑。迨一潰，前督臣朱盡掣納谿兵，會於長寧，鼓行而前，將永寧透克。雖繇兵力稍厚，實得地利故也。論黔之地利，以臣愚見，入手工夫，宜從永寧始。蓋制狗者必繫其頸，捕鼠者必嚙其項。今賊之藩籬東爲播，北爲蘭，業已盡撤，獨畢節一路與四夷通耳。繇永寧而普市而摩泥而赤水，百五十里，悉皆坦途。赤水城郭尚可憑而守，宜結老營於此。一面整頓兵馬，積儲糧草，事事庇具。然後移營漸進，四十里爲白岩，六十里爲層

臺，又六十里爲畢節。至大方，不滿六十里，賊必併力來禦。非重兵不能奔而據之。畢節一據，則四夷交通之路斷而大方震恐。然後貴陽遵義之兵尅日竝進，賊必不能支。而爲勦，欄柄在我，是乃繫頸嚙項之術也。按臣之疏所云，貴取之二逆者，端在此矣。此舉宜爲久不爲者。蓋緣貴陽至畢節三百餘里，中爲水西隔絕，黔之撫按總兵俱駐貴陽，豈能分身越險？永寧之道鎮，兵將俱隸四川，又豈能舍已芸人，以故瀕年置而不講，使必據之要害，棄爲甌脫，可耕之沃土，鞠爲蒿萊，良可大息。今省會根本重地，撫臣王按臣傅綢繆素預賊，縱耽耽睥睨，必不敢長驅深入。

願

皇上一以委之二臣斷無他虞而畢節之役臣不敢不  
 以身任蓋論臣身之即次似舍近就遠舍易就難而論用  
 兵之機宜實舍遠就近舍難就易臣何敢自便其身圖而  
 坐淹歲月以負臣皇上之二任使耶臣度其經費除見在額餉外非更得百  
 一二十萬不能辦前此督臣蔡嘗以二百萬臣請矣然止就貴陽論後此督臣朱除見餉外以一百萬  
 請矣亦止就遵義論今臣合全局而所請與二臣約畧  
 相同寧有儉而無奢也倘蒙

皇上

俞臣之

請臣即當率貴州新任總兵林兆鼎四川遵義監軍道參  
 議盧安世同入永寧一意料理赤水畢節事蓋兆鼎駐永  
 寧安世駐赤水地利夷情如指諸掌與之共事誠事半功  
 倍者度一年內可完此局不然而每年各六十萬兩年內  
 亦可完此局驟聞之似費細按之實省此策之上也如以  
 餉無所處則置臣身於活地或貴陽或偏橋或遵義酌事  
 勢之緩急以為進止亦策之次也若專駐貴陽則於臣身  
 甚近甚便亦甚逸顧無補于公家乃策之最下者矣至于

撫之一着、臣奉

勅書聞載諭安位以獻功贖罪、曉衆目以脇從、所爲  
携其黨而置其腹者、亦盡心力爲之、然不敢壅

皇上之德意、尤不敢傷

國家之大體、惟謹持來、則不拒四字而已、伏祈

皇上勅下該部、從長酌議、速爲

題復、以便遵奉、其督餉一節、無論臣往永寧、不能兼、卽駐

偏沅、亦必不能兼、別議督理事、在不疑乞

勅該部一、并查議施行、

二月初二日

信王出府成婚、

命在京文武百官、俱備朝服、初五日赴府行禮、

遼東巡撫袁崇煥、陳奏夷情、奉

聖旨、覽奏夷使恭順求款之情、似真、然必彼確有所獻、以

自贖、我確有所憑、以相信、自非然者、誠僞未可必也、還遵

前旨、從容講折、務求妥當、方爲題請、本中說周爲之、備不

墮反間、具見成畫、深慰朕懷、該部知道、

信王辭免贍田二頃、

欽天監擇二月十九日

何月從言錄

卷三十三

天七二月一

三王同謁辭陵

削奪陳以瑞孫元化閑住

聞其疏以  
言利進身  
的是刻薄  
小人流毒  
黃山至今  
歛人言之  
切齒

大理寺寺正許志吉奏曰歛處萬山之中山多田少民間  
生齒甚煩而每歲糧食僅供兩月之用仰給于外者十個  
月故凡民間生長十四五歲或隨祖父或依親戚或扶資  
或僱倩經年于四方求什一之利艱苦倍常歷盡險阻得  
有餘利歲杪寄歸以償經年所賒日食之費女則朝夕績  
織苟為蔽體之謀然食用不過淡粥黃蘗而已如是挾數  
兩之資數十年不歸遂成巨富歛之風土在在皆然但可  
悲者有等富室之子慳吝異常復為不軌以圖專利又有

嫖賭好啖用如泥沙誇富逞情以快私忿然各省營建立  
為客網于是歛之富名滿天下實不在歛也且本地無大  
屨閭門無積貯極貧無措者始為苦志讀書或得科甲只  
知做官不識營運子孫坐食不久仍成婁子是所謂富而  
不貴貴而不富者也今有壩占山塲欺

君抗

旨違法犯人吳養春者父子不仁專利不軌幸蒙  
聖明極意剪奸保民深念已奉  
明旨拿究追贓使小民無薪桂之患人倫無吞殺之冤江  
南之民舉手加額誦



聖德于無疆矣。但養春祖父世業鹽于淮楊兩浙天津諸處重資在外，而家止有產業。今奉明旨，追比拘其家屬，外則夥計營運，聞病于官，捲其所有，逃諸海濱，實有既散蔓延難緝，將何以報。明旨必至波及無辜，深負

陛下愛民除害之初意。然臣既知底衷，敢不直陳一得之愚于君父之前，耶伏乞  
陛下專差廉幹官一員，重其事權，從天津淮楊兩浙諸處用一番精神，細為查追，更令各處有司同心一體，不得慢

明明包攬

視如有故違者，糾之。如有奉法者，舉之。庶法可行，贓可速完矣。某處引鹽及屋產與債若干，逐一變出銀兩造冊，即于某處起解為便。差數千里外運至徽州，復行起解，道路險阻，耽延年月，其勞而費，且不可為也。至歙縣追比產業變價，亦須得法推廣。

文到歙中  
恣行波累  
口不應心  
原非人類

皇仁示以無累，使民樂從承買，方可得銀起解。其重資在外，夥計潛避，其誰為查，其誰與納地，非所轄法所難施。小民一聞欽犯抱頭鼠竄，畏縮不前，勢成無米之炊。六十餘萬贓銀作何區處，即扳扯無辜，必推諉折辦，遂爾愆期。于事何濟，贓銀一日不完，歙縣受累一日，豈能免哉。于是臣

不識忌諱，據實直陳其情，應行差官之要，及時追解贓銀以濟。大工之用，使歛民安然樂業，不為所累，共戴皇恩于無涯矣。乞勅下工部議覆施行。吏兵二部接出。

聖旨：朕聞師克在和，事主惟豫，人臣同德，以揆策廟堂，慮事而制宜，中外寧有異心，宮府原屬一體，不謂自有遼事以來，鮮由斯道，始因文武不和，而河東淪於腥脰，繼因經撫不和，而河西鞠為榛莽，覆車之轍，炯然可鑒，近賴厥臣

矢忠幹國，殫慮籌邊，供億多方，邊庭有備，逆奴既已天殛，恢復次第可期，乃督臣撫臣為封疆起見，各執一說，雖經權竒正無一成之心，意見未差，有異同之跡，朕前已有屢旨開諭再三，復命親近內臣前去鎮守，調劑雖切，猶未釋然，念此封疆兩大臣，皆自奪情起復，特簡出于朕心，宗社恃以安危，安攘咸所倚賴，其總兵滿桂，俱在山海關等處駐扎，一切兵機進止，章奏文移，俱會同督撫計議而行，寧遠有事，則山海速行接應，山海有事，則寧遠速行防護，如家督捍主，亞旅同心，如率然衛身，首尾相應，細心料理，期保無慮，朕又思劉應坤紀用，閻鳴泰袁崇煥，從來意氣相

信肝膽與同謀畧總期爲國奏疏不約而合成績漸著深  
可嘉尚朕既鑒往日不和之弊復計及邊防處置之宜乃  
加意調劑至此其在內外諸臣各要合心若不亟爲區畫  
恐見解互異議論滋煩畛域漸生事權多掣封疆大計之  
謂何是以慮及京師根本重地已允卿等會議將督臣王  
之臣加銜回部以備帷幄之中不時籌策其督臣聞鳴泰  
無事之時仍在薊鎮駐劄遇有聲息便速赴關門策應撫  
臣袁崇煥內鎮臣紀用俱着便宜行事并道臣畢自肅總  
兵趙率教俱在寧遠等處駐扎至關門兵馬俱聽袁崇煥  
調度內鎮臣劉應坤着便宜行事并道臣王應合力克復

全遼蚤建膚功紆朕東顧策勲飲至具有彝章如或沉溺  
故習蹈襲覆轍則我

祖宗三尺具在朕何敢私因念文武二途責在兩部疆圉  
弗靖具軫于懷尚思薦念原功以付朕意特諭

戶兵二部接出

聖旨朕惟謀國之誼中外比之同舟用兵之形犄角方于  
捕鹿蠢茲逆奴犯順十載耻歷三朝東顧足憂實勞宵旰  
念毛帥獨奮孤忠支撐海外遠提師旅閱歷當時乃中朝  
實倚爲輔車而去輔每視爲秦越疾聲莫應供億不敷枕  
甲荷戈有枵腹呼庚之困陪臣屬國苦資糧尻屨之供乃

兩朝從信錄 卷三十三  
千百凡艱危之中，尚有累次俘獲之績，似此苦心，朕且嘉且憫。卽今逆奴天誅，而叛孽尚懷叵測，朕志復祖宗封疆，遠念將士勤苦，其所處皮島一帶地方，實牽制勦除要着。去冬該鎮曾有請使內臣駐扎之奏，朕熟思審處，久未施行。今特命總督登津鎮守海外等處便宜行事太監一員，御馬監太監胡良輔提督登津付鎮守海外等處太監一員，御馬監太監苗成中軍太監二員，御馬監太監金捷郭尚禮都着在於皮島等處地方駐扎，督催餉運，查該錢糧清汰老弱，選練精強，一應戰守機宜軍務事情，着與毛帥和衷協力，計議妥確而行，不得輕易紛更，亦不

許膠執故套，更要不時牽掣，相機勦除，期奏犁庭掃穴之勲。朕何靳錫盟帶礪之典，凡有戰獲捷功，照前一解級，如遇偵探機密事情及島中戰守聲息緩急，卽便據實直寫星馳密奏，以慰朕懷念。島中合用器具軍需，皆屬吃緊，茲特發御前節省銀五萬兩，各色紵絲通袖膝襪二百疋，五色布四百疋，以備營伍作正公用。又查發得頭號發煩砲三位，二號發煩砲六位，鐵裡安邊神砲六十位，鐵裡虎蹲神砲六十位，頭號佛朗機二十位，二號佛朗機二十位，三眼鐵銃五百桿，隨用提砲什物全盃五百項，齊腰甲五百付，長靶苗刀二百把，刀一千把，弓一千張，箭一萬枝，單

兩朝從行錄 卷三十三  
鈎鎗一百捍、大小鉛子三萬個、火藥二千斤、就着胡良輔等都隨赴皮島等處地方軍前應用。朕既特命親近內臣與毛帥同居海外、風波隔阻、潮汛艱危、掌握既專、事權宜重、所有合用勅諭關防等項、該部上緊頒給施行、務使東江一着、不徒疑敵之虛聲、而兩河三岔、確資固圍之實效。特諭。  
四川巡撫尹同臯奏水西擅殺奉天差官糾兵出犯、撫局如何可成。聖旨、據奏水西兇狡、擅殺差官、糾兵出犯、撫局如何可成、着行該省道將整兵固守、務保無虞、督臣所請餉銀、該部作何湊辦、并議妥速覆。

時叅將楊明輝奉差宣諭安位及目把擒獻首惡脅從盡行赦宥而安邦彥遂殺明輝等其罪不可赦矣

削奪謝奇舉張其實顧其仁周邦基吳姓梁元柱等俱以門戶誣削

禮部奉

聖旨、代藩北控邊鄙、南輔甸圻、冊封大典、委宜速舉、代世子昇渭着襲封為代王、郭氏封為王妃、其祿米准照親王例支給、以彰朕篤念親藩至意、該部知道。

吏部奉

聖旨、蔡復一忠勤清苦、以身殉官、准贈兵部尚書廕一子

兩車後有銀  
入監讀書還與他誥命

寧夏巡撫史永安奏逆虜淪盟奉

聖旨該鎮賣火諸酋兩次入犯誠宜搗巢以伸國威這條議諸款深于邊務有裨至急補歲餉尤爲緊要着將五六年見額與元二兩年欠額盡數給發以備戰守搗巢之需該部都與看議詳覆

吏部奉

聖旨李茂芳久係門戶着冠帶閑住缺另推看

吏部奉

聖旨白儲紹負氣偏執着冠帶閑住張捷曾附党人爲李

應昇歿友着削了籍爲民追奪誥命其員缺另推來看

戶部奉

聖旨覽奏開列原派原支之額併欠部欠邊之數持籌苦心如視指掌若不早爲區處后將安竊除太倉增該司官如部議外欠部之數惟有嚴推積連之一法欠邊之數惟有策應新鮮之一法至于支派之額出浮于入作何開節使出入稍足相準着九卿科道官會議妥確具奏併行各該邊鎮各該衙門共籌生財縮費之道以備採擇

河南巡撫郭尚友時勢可乘事奉

聖旨中州爲腹心重地磁兵委難議裁况係該省抽扣等

銀非同加派着照舊存留以備不虞該部知道


*[Faded bleed-through text from the reverse side of the page]*

三月

瑞王奏酌時宜節奉

聖旨夷氛未靖水旱頻仍所在蕭條物力匱乏深軫朕念  
覽奏膳羞廩糧夫役供應之浮費地方官員巡送問候之  
縟禮一切內外隨從人等之苛求槩從裁節嚴加約束愛  
人節用著溢言表立國之初如此就國之後何間東平之  
賢不問可知朕心嘉悅即行與經過地方官民知悉仰體  
王志以成王美兵部知道

惠桂二府各上疏言時艱民匱當加意約束樽節  
上賢之



太和山玉虛宮火

傳報夷警

登萊巡撫李嵩塘報云  
 天啓七年二月十九日准總兵王文龍揭帖前事六年  
 十一月初二日據差回歸作王什祿稟報十二月盡奴  
 酋央要犯捨寧遠密計先發兵馬要來封截江邊今河  
 西差官與奴說講和許奴撫賞銀兩酒罷段布等物奴  
 說怕我去攻寧遠他來假意哄我我們就許他和等他  
 償我只管竟收又報鳳凰山一帶兵丁有二十餘名知  
 道講和事情俱逃西去路遇達子一殺盡又報義州  
 節制使八九日間累次差人與奴酋說河冰一開毛都  
 督兵馬多至江去請汗來拿毛都甚是不准我們糧  
 草多備專等汗來奴酋慮他奸細未肯輕信等情到職  
 據此報講和細細事情職一一細知職亦不肯輕信又  
 不敢輕報但奴賊犬羊口善心惡  
 上台見報萬分慎嚴防守決不可信其肯和是真爲此  
 理合塘報又報云  
 天啓七年二月十九日准平遼總兵王文龍揭帖前事

二人俱烈

六年十一月二十七日本據撥夜都司毛有俊探報奴賊  
 收拾兵馬犯關搶奪從鏡山等處等情到職職即嚴令  
 先發各島兵馬至江棒削相機勦殺後報再到職即帶  
 領官兵親身督戰不意麗人向恨遠民擾害暗爲奴賊  
 奸細引賊俱換麗帽麗服將沿途撥夜盡行截殺正月  
 十四日奴兵八萬餘衆兵犯搶大王子帶領四萬餘賊  
 實搶鏡山圍職衙門按尋要活拿職職至雲從不得拿  
 住撥夜都司毛有俊哄言不傷你命不害你家一人只  
 要領我活拿毛都督與你大將官做毛有俊拔刀自刎  
 咽喉已破大半尚不絕命防守缺山都司劉文舉領兵  
 撲殺一陣不肯順服賊恨殺之兵民逃竄賊來招撫不  
 殺大王子領帶四萬賊馳雲從職一聞報即同南北官  
 兵星馳去住關口火器堅守奴賊下營安息不殺一人  
 職料賊必入皮島困十五夜間差內丁都司毛有見有  
 德尤景和等各帶兵一千鎗砲火器分路衝打時賊勞  
 苦不備打死約有數百賊此日驚荒各奔上山逃叛毛  
 有見毛有德俱着箭陣亡損兵七百餘名十六日大王  
 子急調鐵山六王子兵來云務要併力夾攻活拿職去  
 職向收下降夷并陣上拿來活夷共有二千三百餘名  
 十七日夜間放火燒屋內應外合職當時援兵盡數殺



完職將火兵盡發過江牽制手下雖有三百餘兵為賊斷絕糧道嗷嗷無食借得客商麥豆分給一碗半碗決不能空腹赴鬪惟以疑兵出沒安意靜俟激勵南北將士堅壁守以待戰奴賊坐困多日不能前犯十數日退回宣州下營口恨麗官麗人你說活拿毛都督不難今我馬跑死兵又打死毛都督又拿不到手為何死活纏哄我來你定是奸細賊即開刀殺人麗人皆刺頭歸服二十日兩王子領兵攻下郭山殺死麗兵六萬燒燬糧米百萬餘石隨去殺義州節制使竟攻安州等處職即差都司毛永詩等收拾鐵山宣州殘兵親領南北將官陳繼盛項選毛承祿等各帶兵丁火器星夜出一間道分派各將各處理伏探賊攻麗服負相機以截其後職又令管待調昌城滿浦兵馬督令遊擊曲承恩等堵截安州責令相機與賊死戰但糧草斷絕兵帶死馬牛肉為飽可憐職向為天朝接濟不及不能不取給于麗今彼報奴害職職無復向麗人開口之理伏乞上旨速速發糧救濟以全江東一帶終牽制進勦之局奴寧犯搶一番殺傷不滿萬人惟麗人麗官自己作孽受禍亦不為少雖兵追勝負未知嗣後再報等因到職

准此理  
合塘報

遼東巡撫袁崇煥奏報夷情奉

聖旨該撫發水兵為東江之援深得犄角之勢兵本陰道難以陽言戰守之具該撫實修其可陽言以稱朕意其靜定需時近於陰者以聽該撫總求着實可恃萬分無虞以保岩疆該部知道

兵部飛報虜情奉

聖旨覽奏奴兵東襲毛師銳氣未傷深慰朕懷麗人導奴入境固自作孽但屬國不支折而入奴奴勢益張亦非吾利還速傳諭毛帥相機應援無懷宿嫌致悞大計饑軍需

慮慮深遠

餉甚緊着登撫暫那青登萊三府倉儲乘風刻日開帆接濟其動支贓銀以勵戎士速發硝黃以壯軍聲委係目前急着須上緊傳登撫如議行

三王念驛遞疲苦辭免

欽賜馬匹。

上允之以成王誼。

鴻臚寺啓

瑞王面辭請升殿

聖旨藩封之國典禮重大面辭誠國之彝章但念朕與王為叔姪升殿行禮朕心未安免升殿

修築董家口

按董家口為羣虜任牧之所冲要不減喜峯允宜繕脩鞏固當事議量派協力全發班兵益以主兵及速發額餉以備行糧得

諭旨

山東巡撫李精白恭報祥瑞 青州西王疇地方王九常家耕牛於正月初八日辰時產犢一隻碧皮朱唇徧身鱗甲形似麒麟產時燁然有光母牛驚跳吼叫其犢不逾時而隱奉

聖旨昔年靈鳥已集中州茲仁獸復產東土王者之瑞層見叠出朕心嘉悅第念民生多艱方宇未靖朕當增脩庶政以克副禎祥厥臣輔朕發政施仁安邊固圉圖閣勲名朕所素鑒本中願朕體天任賢慎終如始安不忘儆以襄

泰寧具見獻納忠悃所進麟圖朕覽知道了蘇松等府糧長沈發等疏言東南民力已竭奉

聖旨覽你每說遠兌之苦說的亦是朕與厥臣軫念東南痾痛切身亦非樂以非常之原駭懼你輩但念回空愆期國儲要緊暫資功勞本年為止不必慮其後區處腳價足以相直不必懼其累有船則募無船則已不必有取盈之說船至之日官即為兌不必有回遲之嗟念非你輩應得之役地方各官有漕政之責者自應精心體悉空漕船度其日子尚可至本地還催發以濟應募之窮不得藉手株守瓜議於間未盡事理委曲調劑務期國民兩便以稱朕

懷該部知道

瓜兌之議畢竟于民弗便後泥不得行遂如常法先臣周忱所定運兌事宜百世不能改也

賜李如檜工部侍郎廕一子入監讀書

寧夏巡撫史永安奏災異疏奉

餉缺數月固國用之空虛亦措給之遲緩邊計不宜如此

聖旨寧鎮災異深軫朕懷月餉缺額數多戰馬空虛太甚內憂外患尤屬可虞除脩省申飭葺築城垣外着將天啓五六兩年缺額及援遼未補馬價俟報刻期給發以濟邊急以承天儆該部知道

兵部塘報奉

聖旨奴兵東犯朝鮮必不能支若鮮折入奴則奴勢益張

我不往奴  
必來不如  
蚤乘之則  
東江鮮國  
無此禍

以忤宦寺  
故也

矣着馬上差人說與寧遠撫臣乘奴遠掠巢虛之時挑選  
關寧精銳擇智勇之將輕兵直搗大兵陳河續濟以牽奴  
後而紓屬國之急其糗糧犒賞師行必需戶兵二部亦宜  
速議處置毋得遲緩坐失事機該部知道  
下臬臣胡士容於鎮撫獄  
遼東巡撫袁崇煥仰遵  
明旨飛報軍情疏曰先是夷犯鮮急臣已發水營都司徐  
勇曾先出張斌良繼之汪翥勁後各舟二十隻兵士五百  
人先令哨東橫方簡選馬步進取間隨奉  
明旨云云該臣看得夷兵東犯朝鮮臣久已知之臣各移

書樞臣尚冀鮮之君臣藉我毛帥為援能背城借一如寧  
遠去春不謂其弱莫能支而又縱其長驅之勢也道里既  
遠且彼方東侵必留重兵自守以防我防虜使我不能救  
然我又何得不救蓋往以救鮮則不能搗遼瀋而令夷內  
顧不得全力于鮮則我之勝算也但念孤軍深入宜銳不  
宜多隨于是日偕鎮守內臣紀用總兵趙率教寧遠道臣  
畢自肅商議悉移會山海鎮守內臣劉應坤總兵滿桂關  
內道臣王應豸及諸將領議定于關外三軍營及前鋒三  
營撫鎮標下四營每營選精兵九百而寧遠守城之兵未  
敢輕動分作連株三營以副總兵左輔領前鋒遊擊金國

奇都司靳國臣佐之總兵趙率教居中及都司張得勝孫繼武佐之副總兵朱梅後勁遊擊黃士英都司孫紹祖佐之而寧遠道臣畢自肅爲監軍進逼三岔河爲搗勦之舉總兵趙率教十八日卽來往簡調蓋各營精銳聞東警卽皆已駐防于大雙松吉之間矣趙率教老成持重亦復變幻出奇無俟臣戒臣于臨行惓惓戒之先聲後實勿趨近利貴在多方以悞之又行總兵滿桂簡精騎三千去駐前屯寧遠桂自駐前屯策應又行叅將徐率水兵千人繼發是役也水陸夾攻夷卽悍安得不疑又安得不懼疑懼交逼安得不撤犯鮮之兵以西防機有可圖諸將急功名之

心寧肯後人知難見可

聖謨洋洋而厥臣一體

官府素釀成籌臣奉行以往不輕發不貪功動必臧謀必全一腔烈胆誓必復遼滅賊爲關門不拔之障寧敢去此一步以貽

皇上東顧也若缺餉本折不宜遲與有功有賞勞苦有賞此則惟我

皇上加之意矣

朝鮮告急請援師

封涿房等礦洞

叙滇捷

陝西巡撫張維樞奏澄城知縣張斗耀因北錢糧彼本縣百姓登時刺死奉

聖旨張斗耀急征激變然以民戕官事干十惡不義之條着嚴擒首惡解散黨羽安戢良民確訊奏報以靖地方兵部覆議援鮮事宜奉

聖旨登寧與海外互為犄角毛帥拚死禦敵疾呼不應何以鼓任事之氣矧策應海外正以綢繆為封疆大計宜救急着覽奏說覺華島精選水兵三千星馳赴援天津登萊堪戰將士刻期出海俱聽毛帥相機進止說得是着即行

與各該撫鎮速為督發仍將發兵日期報以慰朕懷

部推雲南正考戶部主事李日儼楊應簡副考行人汪邦柱李昌齡貴州正考刑部主事林曾徐大義副考行人宋鳴梧馬茂才奉

聖旨有點去其貴州中式名數照舊額汪邦柱宋鳴梧俱係門戶且着官帶閒住

削奪蘇繼歐徐楠龔世法彭鯤化劉永祚等陸世科閒住

皆以門戶黨人相加而處法之有輕重則逢嗾怒之深不深耳非有幸不幸也

建懷仁崇功崇仁彰德顯德等祠

時永恩祠一倡而相效者恐貽後至之罰于是漕運李監建懷仁于通州西關外蘆遠總督閻鳴泰建崇仁彰

德于通昌二州主事何宗聖建顯德于長溝而閨督  
撫劉詔巡按倪文煥建崇功于密雲各山工人曲媚瑞  
意務窮技藝之巧甚至攘民田墓伐人樹木誰敢發聲  
反上食饗祀一如王公識者非之  
祠中小像不但求其肖肋已也以沉檀為質眼耳日鼻  
手足宛轉一如生人腹中腸腑皆以金玉珠寶為之衣  
服鮮麗又不足言矣獨髻上穴一空以四時香花簪之  
更為奇絕  
聞一處逆像頭稍大小豎上冠不能容匠人恐急以逆  
首削而小之以稱冠焉小豎抱頭慟哭痛責匠人

兩朝從信錄卷之三十四

秀水 沈國元述

四月

工部主事呂下問奏報愚臣督催變出意外奉

聖旨黃山一槩追出侵欺給業平民若使山與價準不强  
人以價之不平價與力準不抑人以力之不堪承買之後  
產又與畝準不苛人以畝之不載委曲開譬多方調劑地  
方人情兩求愜當人必樂從確顛為額方據實入奏有何  
難事呂下問不能禁戢差役株連無辜致激地方之變不  
稱任使着回原藉聽該撫按勘明等事原由量懲首禍具

奏、黃山事理、歸併許志吉、撫按官行該府縣官、亦宜併協  
心努力、共急公家、再有推委旁觀、指名叅處、地方人等亦  
宜共曉朝廷、追究大豪、無波累無辜至意、靜聽有司官設  
法區處、保愛身家、無聽奸黠鼓煽、以身觸法、該部知道、  
應天巡撫李待問奏言黃山一帶、追贓變價、屢奉

明旨、地方官及部臣經理、方有次第、臣履任伊始、移檄再  
推、正圖或可藉手以報、  
明命、不謂遽激而成變也、據詳黃文攜帶白役、妄拘票內  
無名之潘家彥、眾憤而斃之、付之一炬、仍豎旂書、遂部安  
民四字、越日而擁之部、臣公署、毀折門柵、燬其帳藉、致部

臣踉蹌避匿、一時披猖狂逞之狀、殆無天于上、無地于下  
矣、徽郡層巖複嶺、幽深阻昧、囂凌獷悍、雖俗習固然、詎意  
決裂至此、幸而地方各官竭力安慰、旋即解散、聞按臣以  
造冊復

命、不日將移駐彼中、指顧易及、更必有以慰  
皇上之德意

朝廷之法紀、以大畏民志、潛遏亂萌者、臣治所距新安、千  
有餘里、前所賫牌人役、尚未得返、今據前報、變出異常、不  
敢不先以

上聞、容臣等查明事端、嚴緝猖亂、仰候



聖裁

山場逼近

皇陵失火延燒四十餘里又砍偷樹木多株

上命撫按追究致火根因重加懲治其未獲盜木賊犯着

王應祥等勒限嚴拿務在必獲以奠安

陵寢

東江將士逃散

登萊巡撫李嵩塘報稱天啓七年三月十七日准平遠  
總兵毛文龍揭帖前事七年正月十四日奴賊犯捨鐵  
山雲從我差都司毛承顯領兵一千相救宜州不意十  
七日陽約民船裝載家眷兵丁共二百餘名西逃賊時  
夷情正急未及申報幸旅順參將張繼善知其臨陣脫  
逃拏獲押解木到又在城參將高萬重先在島中偈言

五

鐵山云從俱失統領中軍劉璋等將本島殷實軍民財  
物盡行劫奪揀有姿色婦女約五十餘口又將池鳳美  
妻妾銀兩及高豎武妻皆令心腹家人親丁約七百餘  
人將貨物男婦捲打二船又將西來守凍米船盡數  
分散作為行糧驀于二月初三日滿裝逃去都司馬承  
勛亦帶兵六百由六路西逃當此與賊對壘之時兵將

紛紛逃竄  
封疆誰守且又三軍沸譁李鏞鄭繼魁等帶兵回去多  
在覺華島大糧大餉受用不盡我們受饑受冷又要對  
敵島中遍謠兵將俱無固志我恐風聞于賊嚴拿梟示  
割耳四人軍心始定李鏞自擅離汛地高萬重等臨陣  
脫逃皆屬徐敷奏偈言謠惑所致律有明條罪俱不赦  
伏乞

上台速正典刑傳首遊示海外庶孤軍畏法不敢畏逃  
事關重大  
為此塘報

島帥遣參將毛承祿等襲殺奴兵于义州晏廷關口錢山  
等處塘報稱奴酋暗襲鐵山直趨高麗又强半歸降彼直

視王京儿上肉耳乃

天厭逆氛甫渡冰解前后阻江進退無據毛帥復督發兵將救麗我兵據報三戰三勝庶始垂而終奮能因敗以爲功亦可以少伸鐵山憤懣之氣而抑犬羊匪茹之謀矣奉聖旨覽奏屬國危急君臣播遷朕心惻然該鎮發兵調援具見方略知道了向日欵議雖寧鎮別有深心在中朝原未嘗許今日關寧別無調度何以明不爲狡奴所縻而爲屬國口實乎戶兵工部關寧二鎮作速從長計議回奏兵部奏議察會與白寧皆我欵夷也察會向以講討人口不遂心懷仇恨久矣今一旦擁兵十萬壓哈喇之境哈喇

諸酋其能支乎今諸酋情急求助于我我若助哈喇則虎酋必肆螫于我不助則哈酋不能無怨合行督撫諸臣選斂辨通官出口以和解爲名若得說而罷之此上計也卽不然我亦有詞于彼但犬羊之性中情叵測或聲東擊西便道而來挾索則沿邊諸文武將吏仍當處處設備着着料理會不西向而我何以扼其吭雖不可過于張皇以自發難端然有備乃可無患須從鎮靜中密策萬全斷不得謂兩酋素飲我餌其自相蚕食原莫予毒也是總在督撫鎮臣之多筭實毋貽邊患耳伏祈

皇上勅下臣部容臣馬上差人嚴飭施行

防虜

宣府塘報探得夷酋擦漢兒即虎兔慙因地租所屬部落把漢哈喇慎先年投在哈喇慎營內住牧今又因哈喇慎已故老酋滿五素幼年與擦漢兒老王子為父兒恩養成成人分官人馬后滿五素帶領原分部落仍歸本酋父世把都兒下后有擦漢兒小王子夷酋白言等酋講要把漢以喇慎一枝部落又講要原分與滿五素的人馬白言等酋未與今擦漢兒王子傳調部落親帶人馬來講又聞得夷人密說擦漢兒說稱虜這有一个王子那有這些王子獨不張家口都是他的地方是叫別人乞賞與白言等酋講畢就要上邊講賞等語有自言朝兒王子等各將宜薊兩鎮各邊所屬部落傳調一處隄畚擦酋情由已經稟報訖今據通事王觀等于三月二十五日進邊報稱探得擦漢兒王子從原巢尚未起身有哈喇慎家夷酋領帶小部夷帳房牛羊馬匹于二十三日從奢兒城搬移地方五喇哈住牧我省台吉等亦于本月二十二日從奢兒城搬移地方亦地都一帶四散住扎各酋口稱聯絡一塊以備虎酋等情三月二十九日巳時據張家口堡守備周國光稟稱本年三月

月十七日有夷酋青把都男來洪大台吉差夷使惡不報等費夷票到邊說稱今揀漢子上馬要犯獨石一帶日子不知與我們達子家作仇與南朝作仇如犯

南朝我們達子兵馬助

南朝上陣如先我們達子上陣乞助我鏡砲手几百等因又于本日巳時據前遠提塘官侯恩稟報據潮沙川守吉迪與薊遼軍門塘報內稱本月二十五日據守門通哨鄭進稟稱今有沙葦肖那二等酋差人執夷票到關票送到我看来票內云被我差人各其夷票有我祖父毛酋祖母大癩只常守邊疆忠順效力所遣弟兄二人亦能恭順毫無差錯今有揀漢兒達子因與你裏面不和前于本月初四日奴人三百于哈喇慎王子跟前日稱揀漢兒達子帶領人馬十萬前來攻搶預先報至也不知禍及于誰其情難測使我弟兄二人心中愚想兩家既是一家我者復捨裏邊說叨蒙皇賞豈可指望况必竟心吐勤力你裡邊疆土嚴謹十分隄防不可玩忽或者禍及于家你裡邊將人馬鎗砲扶助多多我務要復此賊庶顯我兩家日後磐石之固真有夷人傳報在邇不日臨來今揣差人星夜傳報有

內車行信金 卷三十四 五  
從另行稟伏乞卽刻自裁以不可視為尋常等因各至  
朕據此看得棟酋僻處東隅與宣風馬牛不相及今橫  
生枝節將願控強十萬加于自言等部如千鈞之壓卵  
勢必無幸且恐其聲東擊西之虞在我內地各嚴爲設  
備以待之

虜犯甘肅大破之奏捷

去秋虜酋三兒台吉人犯爲鎮兵所斃及報仇又被劄  
懷恨已久于是套酋土賣火力赤等矮木素等喇麻等  
酋糾約捨犯傳警甚急撫臣王會同總鎮徐永壽副將  
周上顯等設伏夾攻大挫虜鋒斬獲頗衆虜遂引去

戶部議軍中本色

聖旨軍餉全賴本色軍弁私折數多不亟查治何以果饑  
軍之腹着將督撫屯糧嚴行餉部驗係本色纔許開洋鎮  
撫道驗船運本色纔准收納關寧餉司亦親自盤驗有無

私折該部仍各會本并查運官何人具奏以絕奸弁夙弊  
俱着該部議移文申飭行

平遠總兵毛文龍奏從前因疑叢蠹奉

聖旨該鎮孤軍遠懸率枵腹之卒犹能建斬馘之功朕所  
深知亦所深憫覽奏掣于舊撫遏餉饋糧畸于奸弁將逃  
兵走深可痛恨高萬重李鏞徐敷奏都照軍法處分登萊  
糧催僭開洋刻期接濟俱已有旨了該部還稽查未到新  
舊額給發到鎮火速應付該鎮尚益厲肝胆深相機宜繫  
奴保鮮以慰朕懷  
兵部奏憂時心切奉

聖旨用虜攻奴固是一策然必先能自用而後可以用  
虜近日關寧尚自却顧未敢輕談虜利財物未必即許爲  
我用以規近利爾時我又未能自用以用虜虛聲空喝將  
無空增一番措置乎九卿科道及疆場督撫諸臣中外熟  
議之苟有確然之畫朕將採焉若撫賞得宜俾虜無携貳  
此見任督撫之責耳

增定大帥奉

聖旨奴孽東侵震鄰孔棘朕與厥臣深加綢繆之慮這本  
所奏增定大帥分派信地具見先事預備聲勢聯絡深裨  
邊計杜文煥特加制勅駐寧遠尤世祿駐錦州侯世祿駐

前屯左輔加總兵職銜駐大凌河仍管前鋒事滿桂照舊  
駐扎關門節制四鎮及燕建四路仍賜劍以重事權增補  
八千額兵添買馬二萬餘都屬急着兵餉馬價作何設處  
該部卽俱作速伏議回奏

姜曰廣胡尚賓丁進

俱削奪林鈺莊際昌朱繼

祚俱閑住削奪楊廷槐許鼎臣閑住

山西巡撫曹思誠請建魏忠賢祠于五臺

賜額名日報功

遼東祠額曰元功曰茂德太和山祠額曰昭德上林苑祠  
額曰感恩松江祠額曰德馨

茂德李太監請建感恩庶吉士李請建德營里老薛世昌等請建

李日華晉尚寶司卿

公高悟端雅沉博瀟灑于書無所不讀而著述甚富尤工于詩妙于書精于畫然公之精神別有所注不欲以諸長自見于世如如嵩陳太史之端潔養淳朱相國之清厚可謂禾中三絕

五月

遼東袁崇煥條陳夷虜情形奉

聖旨奴酋狡詐百端就來廝殺之言許也宜假以應之無為危言所喝喇嘛請勸之書更詐也更宜整以備之無為遜言所愚西虜撫賞固須查清無致虛冒濫惡以生攜二至諭虜酋與抄花立援與都令解仇俱着多方講折相機宣諭務令願懷我威德共作藩籬該撫久勞巖鎮朕所洞知封疆事重還益體厥臣綢繆石畫與內鎮諸臣協奮心力厲秣兵馬脩塞要害倍加嚴禁以保無虞所奏多備火器火藥添買馬匹卽與速覆行該部知道

命禮吏議忠臣張銓母霍氏恤典。○建龐烈婦坊。

按霍母訓孫忠義壽幾百齡例當優恤烈婦湖廣人為熊于宣逼死熊典刑

刑部欽奉

聖旨佟惟奇等輸逆情真服刑律當非廠臣深謀遠慮密計逃偵任用該監同心緝獲何以使神奸就擒詭踪伏發說的是這佟惟奇擬凌遲佟惟科宋得貴周氏臘梅俱擬斬既已允確着會官處決傳首號令其未獲周日俊等嚴行各該撫按緝拿周汝昌并吏部議處

兵部塘報

聖旨東師屢捷奴兵雖圍困雲從島毛帥智勇自能聯合

麗兵禦之但孤軍枵腹可虞登撫津門運餉接濟尚恐未敷還着戶部將應補餉銀十萬登津各舟還本色五萬刻期前發以充額餉務要盡數起解毋得遲挨關西兵馬着再挑選水兵數千策應毛帥以壯聲援其合用器具如火藥鉛子等項俱着工部作速發去

毛酋乞盟

宣邊駐虜屢犯邊疆被創認罰願就戎索

防奴

榆關傳警奴兵渡河有直闖山海之報故令鎮撫遣將整兵馬嚴偵探并堡臺

兵部奉

聖旨關外防禦左輔尤世祿獨當各以原官加一級還寫與勅書以示優異奴報緊急着滿桂移駐前屯孫祖壽移駐山海黑雲龍移駐一片石閭鳴泰移鎮關門其分布兵馬關內四萬關外八萬俱如內鎮臣議聽督撫作速布置期於脈絡相聯呼吸共應務保無虞稱朕與廠臣軫顧疆圍之意聞奴兵已越錦州且薄寧遠錦州兵馬無可退併寧遠之法着各自清野堅壁相機堵勦該部速傳與他每知道

太監劉應坤東哨形情事

聖旨覽奏水兵東哨海外孤軍增氣黠奴撤衆還藩屬國

獲全廠臣妙算弘深克張我武朕所鑒知該鎮馳報情形甚悉深慰朕懷其鄭學麟等東哨著勞候徐璉等回日并行題敘該部知道

平遼總督趙率教飛報捷音本年五月十一日辰時奴子提兵十餘萬騎至錦州城外四面扎營十二日分兵兩路擡拽車梯挨牌馬步輪番交攻西北二面太府紀公同職及總兵左輔副總兵朱梅躬披甲冑親冒矢石力督各營將領紀鯨等各官兵并力射打炮火矢石交下如雨自辰至戌打死夷屍填塞滿地不計其數至亥時而奴兵拖擡死屍將班兵採辦窰木燒燬退兵五里西南下營次日寅



時馬兵圍城遊走尚未撤兵理合先行飛報  
兵部遵奉

聖旨滿帥出援錦州山海兵力單弱這調發近鎮兵馬昌平一萬領以總兵李嘉訓天津調五千領以副將錢中選保定調五千領以總兵王健着星發赴關防守山海不許逗遛致悞軍機楊嘉謨既係諸部薦舉必有心計堪用着賚尚方劍及關寺銀五十兩星馳赴滿帥軍前以資方略殫歷以備賞犒俱如議速行

戶部奉

聖旨狡奴西犯不獨關外受敵薊門一帶在在皆當嚴備着馬上速行宣大各挑選兵馬五千名隨帶軍器火藥糧糈智勇將領星發前赴山海聽督臣調度自山海以至河南山東及直隸地方凡有兵馬處所俱要秣勵聚糧整棚用備緩急卽火速傳與他每知道軍機重大各宜齊心并赴勿逗遛以干明法

戶部段國璋奏議奴兵入犯需餉正殷奉

聖旨奴兵圍困錦州內外應援兵馬一切芻豆米糧自當速補且桃林口飢軍待哺情甚危迫着該部不拘新舊餉酌量緩急通融借發并行天津餉臣多運本色或借用通倉或暫碾各州縣倉穀事平一并銷算其各省直應解餉

銀差官守催截解完者優叙欠者摘叅凡鞞經過地方責  
令有司多撥鄉兵沿途護送毋致疎虞

工部陳戰守機宜

聖旨奴兵既東戍又西犯中必虛矣海上先速行遙制東  
西之難可以並解如此急着登撫毛帥倘聞聲息皆可一  
面布置一面奏報者立刻馬上差人說與他每知會本中  
救錦州固寧遠備關門俱係緊務薊鎮咽喉之處設立標  
營統以大將內衛外援俱可相資防之法寓于其中着與  
商確申飭行

升毛堪南光祿卿

兵部條陳奉

聖旨覽奏說錦州紀鎮忠勇自誓趙帥憑城擊賊多所殺  
傷已見能守之勲然攻圍不退應援當亟赴援諸將尤宜  
相機進止以備萬全寧遠撫臣料理有素且威略夙著無  
煩幫貼深慰朕懷關兵應援這所調鎮兵三萬着急趨赴  
關以資防守守者以全城爲上援者以退賊爲功說的是  
其關外四城毋輕調發軍前糧餉作速接濟已有旨了你  
部還馬上差人不時偵探有聞立刻入奏

遼東巡撫袁崇煥奏議策援事宜奉

聖旨河上之聲遙紆屬國此行自不可少若老成却顧則

該撫持重之效也。冒暑深入，奴勢當不能久覽。奏知援錦之兵，第聲息四出，疑而擾之，重兵相機守保寧遠，闔外方略俱全。朕意調發宣薊，俱以原兵原借處行糧，以備速給。已有旨了。封疆事重，中外文武協心并力，以副朕懷。

延綏總兵楊肇基請設大將分鎮防守，撫臣以原任山海總兵孫顯祖素有威望，題奏填補。

楊肇基議曰：延綏邊長一千三百餘里，鎮城所居適中，至黃甫路六百里，西抵花馬池，界七百里，邊外任牧不下十萬，若一面有警，傳警併往，往返應援，亦須十數日。已是鞭長不及馬腹。若東西一齊有警，必定彼此兩失。封疆重任，罪將誰諉？馬敢顧分權之小嫌，忘報國之大義。為今之計，無如照花馬池新例，于西協地方亦設一有望大將分界防勦，一面有事，則合力拒勦，東西有事，則各分專敵。如此，則遠近可照管，緩急無失。誤。

楊鎮大有心人

獲其

撫臣朱疏略，臣查得有原任山海總兵孫顯祖，當年登壇勇力，早聞于他處，家近夷穴，威聲久振于河衛。近巡撫寧夏史永安具咨求補花馬池總兵，見報已奉明旨，點用馬允升矣。合無比照將顯祖改設于定邊，裁去協守副總，一切事例俱照花馬池新議，乃今之分地而任，西自鹽場堡，東至龍州城，專聽其節制料理。若虜犯一處，則與本鎮總兵互相救援，倘虜狡分頭齊入，則各出其精銳，一力拒殺。况楊肇基自任以來，大破積習，辨掃宿弊，實心為皇上固守疆場，其與顯祖豪傑之相見而又金石之交甚契，在肇基既不吝分權以圖協心之助，在顯祖必不甘負友以誤國家之機。况衙門有協守之居，不必營建，薪水有協守之舊，不必加添，雖有更改，實為利益。

兵部奏奴子回巢，即聚糧而來，其欲撓我脩築，撓我屯種明矣。但溽暑行兵，彼已犯兵家之忌。我明烽燧，堅清野，以佚待勞，以飽待飢。如上年寧遠要城固守故事，且河西糧

食俱已搬運錦州千里而來無所標掠若奴子不揣深入重地頓兵堅城之下不數日必且狼籍而歸此時伏兵要害乘其惰而擊之此萬全之穩着也乞 勅撫鎮諸臣固守城池慎勿妄動避其銳氣邀其惰歸最為上策西虜領部眾報効遣夷使貴英等請賞

兵部復奏塘報奉

聖旨錦州圍困不容不救然奴亦度我之必救為致我之策若直赴之正墮其計間道出奇形格勢禁使奴自退該撫精心籌之許定國饒有智略請兵願往忠義可嘉着分兵一枝副以健將令星馳自效貴英等酋不妨便許重賞

以哨之此着最緊須速應不必疑也各該兵將着飛檄嚴催赴關有遲留者以軍法從事

遼東巡撫袁崇煥致當道啓

職菲才而當封疆之重寄蓋經五六轉而殘破之局天下卽未必有知而邊人所共憐也女直兵滿萬不可敵今且十餘萬矣在合九邊之兵力戰之而不足也故益之川浙湖廣淮無不調無不敗致不肯探窺于得失之故知疲困之景象兵必不可再調卽調亦未必有濟故復遼地而聚遼人為守先以已之百口為質故遼之流移于內者悉以家口歸來遠求難致之兵何如近收回鄉之眾此不肯聚兵討也本色仰給漕買或續今年春三月無糧照諸區卽有銀而無所市故不得不議屯以為食但地不廣何以爲屯不築何以爲聚則一築一屯夷之所最忌而無容我下手也故有今日之兵然不戰而何以請買戰馬請增補黃器械不肯知天下緩而此急已况邊臣自苦因分隨緣不虞滔天之虜及錦夫築錦凌二城秋而畢力收稼歸我城坐

我議以李  
喇嘛之遺  
為非

以待虜乃以一東江之故即聲于河以拒之何如假一  
款字以緩之令彼欲爭而無及我因而無患也然二事  
俱非臣所得專夫用之而不克自用此千古遺憾况所  
以悞天下而苦邊者則江東為甚毛帥每冬未交合即  
避之遠島天下所知也鐵山所雷老弱及麗人耳今一  
攻以破毛不能以一矢加遺而朝夕報功人遂易視此  
夷謂撲之即滅十年血戰孰能當其鋒此豈遠事而天  
下付之不知則造言生事者欲借毛以行已私今局已  
露矣夷見在松杏接續而馳聚者二百里間一片精強  
初達邊率遼之最者當之未易職守而固者也毛守而  
未必固者也毛即避于封疆無害職將何之毛即不勝  
于金甌無損職之所守其于係何如而可以國事嘗乎  
敢質之天下且夷藉累勝脫不幸錦破寧喪山海俱變  
其又何以集援兵而固山海俱非臨時可辦者或錦之  
幸完彼視為必爭秋冬應領巢重來又如何作計如何  
用人肯縻不投即更設數經略數總兵無益于成敗之  
數况官多而兵益以少故添文官不如添將添武官不  
若添兵若不添兵添將而添鎮巡適以自弱文武中罪  
過而議復之人不借事何以起之官必立有功方令復  
職勿職之復而仍無功人得官而速受累當事者且為

之計若職固有病也今力疾裹甲或以此身弼此地復  
何言儻此番虜退斷不以庸病再悞但邊事不可浪試  
一言不效殃及生靈非擇天下之智勇不勝此任而愉  
快者凡此皆封疆大計不肖仰請正者其一切情形俱  
載前後疏中不敢多贅并祈  
詳察情急而危語不擇奇

遼東巡撫袁崇煥奏言山海總兵滿桂據副叅游都等官  
祖大壽等報稱壽等奉經理滿總兵明文與太府孫武馮  
同尤總鎮于本月十五日帶領官兵東援次日過連山有  
都司彭守印報稱東夷三百餘騎繇五道嶺徑奔西來又  
有撫院差去喻奇功等去錦州哨探見奴兵于本日五更  
掌號起兵南來滿總鎮武總鎮同上紮籬山看見夷係大  
舉來兵甚急隨傳叅遊都司劉恩等合兵一處因彼眾我

寡徐徐而回，夷兵跟至柘鋪，與我官兵對敵，良久，在陣射死我兵楊惟進等七名，輕傷數名，馬數匹。其東夷回至塔山下營，我兵回至寧遠，俟查有別項情形，另行塘報等情。至鎮據此，看得東虜大兵圍困錦州甚急，數年行兵馬，稱議奴狡詐多端，今來得利退至塔山，未敢西犯，但圍錦州之酋將兵撤至大道，又分去其力，錦州稍緩，本鎮十七日又挑選兵馬向前相機策應，待有勝形，另報等因。至職看得錦州之圍，而親臣紀用同困于內，卽欲冲圍合戰，但強弱寡衆之不敵，蓋天下之精銳，關內外素所倚重，而願歸者滿帥也。今所推轂而借才者，尤帥也。又合諸選擇將領，

尚且難當其鋒，則平時欲過河，或邀截而逞欲于一擊者，豈有幸乎？惟憑城尚有一效，錦州已擊死數千，此捷創于先春，寧遠時若使器糧粗具，夷卽久困何妨，正未必耳。但此盛暑，卽夷兵恐亦未必能久留，職記去春職固謝絕援兵，亦無赴援，今援兵如許矣，且募死士砍其營，又舟師統出其後，令王喇嘛督西虜揚旗于錦州之地，凡可爲者俱爲之，夷安得不戒心？今且馱鹽及燒野外各村屯，似有退兵之意，如其退去，則邀

皇上之靈，萬一錦不存，則寧必受兵，寧攻未必輒下，但恐其返客爲主，于瀋陽通番往來攻困，職恐諸將領不能救


錦者必不能救寧寧與錦為存亡職與紀用為生死此則  
剝膚大患故在急調薊宣之兵于山海待援又急將原兵  
調來速給行糧糧備而行速兵涉貴靜變起宜常除遣將  
調兵之外則無別法其他說神說奇借有事以得官者祇  
以滋蔓而無補于事在  
廷之臣為自裁擇也

勦廣西潯州鵝山賊胡扶紀等

按扶紀負固有年屢撫屢叛生靈塗炭官兵裹足  
撫臣王與道臣潘應龍等合兵攻勦竟以蕩平

山海總兵滿桂塘報稱本月三十一日寅時據木鎮原差  
守備李臣等稟稱帶領家丁沿途安撥哨至塔山迤東前

營有精兵韃賊數百在彼攔住去路不能前進據此看得  
東奴攔路阻我哨探不得錦州往來消息其情最狡急宜  
加兵剪其鋒銳本鎮于本日起更時分密挑各營精騎一  
千以親丁守備千把總等王忠等數十員為前鋒以本鎮  
下中軍參遊都司劉恩等千把總曹明輔等數十員為後  
勁隨傳集名將領等官一齊迎視親自嚴諭今攔路韃賊  
乃係挑來強壯等兵奮勇努力只管向前砍殺不許下馬  
割級違者梟斬催督即時起兵嘶枚疾走本鎮即同總兵  
閔思印等親統內鎮太監劉標下都司吳文耀等分守太  
監孫下守備周于策等分守遼東太監武下守備鄧舉等



各營軍數千，隨後彈壓接應。於二十二日寅時，前鋒官兵行至笨籬山，正遇前賊攔路迎敵。各官兵奮勇向前，先就下手，扑砍一處，忽從笨籬山左右韃賊二股分頭前來。將我官兵圍於中心。本鎮同總兵遊擊後兵接應，裡外夾攻。人人奮勇用命，惡戰許久，刀砍箭射，死傷韃賊數多。各官兵遵守本鎮號令，不敢下馬割級，俱被韃賊馱去。訖內丁白雄在于馬上擒斬韃賊頭目一顆，馬一匹，弓刀俱全。笨籬山一帶高下險阨，于中恐有埋伏，故不便窮追。隨即傳令收兵。惟此一番，奴賊懼威東奔，大挫其鋒。且數年以來而援遼官兵，未敢與賊爭鋒一戰者，今仰仗

天威，承東廠魏指授方略，官兵奮勇當先，亦寒其膽矣。况連山塔山高橋當幾道，乃賊夷橫肆之地，非可設兵防禦。本日仍令各官兵徐回寧城固守。次日復再酌量緩急，前赴應援。查得陣亡千總羅忠，把總喬登科，兵丁王希春等六十名，重傷三十名，在陣砍死傷馬一百八十餘匹，得獲韃馬二十六匹，夷器俱全。據此塘報，

兵部奏官兵奮勇殺賊奉

聖旨：東援兵將追賊奮勇血戰，斬獲有功。滿鎮守運送火藥硝黃從海而東，聲勢大振。錦圍可解，知道了。

欽定主考官浙江簡討陳盟、吏科張惟一、湖廣簡討李明



睿兵科李魯生、江西編脩倪元璐、禮科薛國觀、陝西吏主  
姚昌籙、兵主胡福弘、

時削奪晏清倫、肇脩沈景初、江用世、葉有聲、李瓚、沈燦、

王應熊、曾陳、易錢、策杜詩、汪起鳳、俱閒住、

諸君子身退而姓字益馨乃知  
門戶群黨不足埋沒真品也

監生陸萬齡、請建魏忠賢祠於國學之傍、

河南建戴德祠、順天建茂勲祠、延綏建祝恩祠、

戴德係郭巡撫所請茂勲係通政司經  
歷孫如冽所請祝恩係朱撫所請

得罪名教

六月

奴酋攻寧遠總兵滿桂等大戰敗走之

滿帥大功

袁撫奏畧十年來蓋天下之兵未嘗敢與奴戰合馬  
鋒即職去年亦從上而攻城下今始一乃一鎗而下拚  
命不知有夷之兇狠驃悍職復憑堞大呼分路進追諸  
軍忿恨此賊一職挫之滿鎮之力居多  
二十八日參將彭繼古二次用紅夷大砲擊碎奴營大  
帳房一座因王子僞白龍旗奴兵死者甚眾遂不敢西  
行後降夷言奴酋長子召力免碑勒中剪穿胸必死其  
子浪蕩寧谷碑勒先于陣上被我兵射死陣亡孤山四  
人半鹿三十餘人  
伯彥達子無數

奏寧遠之捷奉

聖旨奴犯寧遠夷氛甚惡賴厥臣指授方畧深中機權接  
濟軍需足資戰守該鎮善體厥臣忠赤嚴明賞罰鼓舞人

兩月進言錄

卷三十四

天七六月

心內外諸臣協力同應。內臣則有陶文楊朝、誼切同仇。分兵應援。杜勳、王良臣帶領精銳。刻期策應。孫茂林、武俊親臨雉堞。發令督戰。胡佑、吳康、李進、楊承芳督催官兵。舉放神器。馮允升、董文儒、閻思印、陳岩督兵城外。齊力奮勇。文武諸臣。則有閻鳴太、袁崇煥、劉治折衝樽俎。發縱有力。畢自肅、王應豸、張春接應軍實。期會不爽。滿桂九世祿孫祖壽、楊國臣披堅執銳。親蒞行間。祖天壽許定國尤世威及朱國儀潘永保、王桂、王選、劉恩、周鎮等各將領督陣。催鋒所向無前。一日再捷。大挫賊鋒。振累年之積怯。作三軍之新銳。捷書未至。佳信已聞。已有勅諭勞苦該鎮及內

外文武諸臣。并發御前銀五萬。以充犒賞。覽奏具知。詳悉深慰朕懷。有功及被傷吏士。宜優行賞恤。事定日另行奏報。奴氛雖奪。夷情叵測。相機乘勝。以解錦州之困。該鎮與文武各官商確便宜行事。該部知道。

遼東巡撫袁崇煥亦奏大挫賊鋒。奉

聖旨。十年積弱之日。乃一當虜挫之狂鋒。賴厥臣先事縟繆。純忠鼓舞。故能使內外文武齊心并力。收此奇捷。覽奏兵已乘勝鼓行。逐虜援錦。見可而進。具見方略。然須步步嚴密。首尾相聯。切戒輕敵。防其詭計。宜大援兵。着速發出。關聽用。不許遲留。盛甲器械。不拘何廠。有便。星夜解發。以


應急需太僕寺馬原係備用人馬仍着棟粗壯的解發軍前備用不必折價獎勅已發犒賞發御前銀五萬兩以資賞恤俱已有旨了

錦州圍解奏捷

山海總兵滿桂以錦州被困急救如焚會同楊總兵撫院袁寧前道畢副使計議進勦擬定二十八日發兵整隊鼓勇前進間忽報奴賊執打五色標旗于灰山窟窿山首山連山南海分九營官兵撤進濠內周圍安營有總兵孫祖壽副將許定國在西門扎營滿鎮隨行今副將尤世威嚴整火器預備時望見城東灰塵蔽天大勢賊兵分投前來圍城滿鎮即督發兵馬器械等項接濟當即親督紅旂同尤總兵督率各營副參遊把將領等官祖天壽等迎敵刀砍箭射砲打死傷賊無數不許割級斃賊死屍俱被賊夷擡駛至雙樹堡西一帶用火藥焚化訖滿鎮親日矢力如斯盛經旗身甲被賊射中數箭戰馬亦被射傷尤總兵奮不顧身戰馬亦被射傷有

東廠魏忠賢差錦衣衛指揮使王禕王選等十四員親臨戰場督陣有太監劉胡孫武俱親在東城樓督戰令守備朱國儀都司潘永勝安設紅夷滅虜大將軍項等砲連放將東山坡上奴賊大營打開打死斃賊數多自卯至午賊見我兵奮勇力戰不能得前撤兵改回行東去訖滿鎮慮恐山背後山勢險恐賊有埋伏故不窮追隨令各將領收兵親在城外列營防守伏遣哨丁遠探奴衆在于肖山迤東下營

平遼總兵趙率教三報捷音五月十二日二十九日據出城大戰兩勝奇捷飛報外奴賊領兵竟赴寧遠在教場與官兵對敵聞撥夷馳報錦州大兵殺攻奴營奴賊撤兵即回錦州于三十日圍城放火砲三箇吶喊三聲仍赴夷寨於初三日夜寫欺上逆語箭上射之入城太府紀用與職等議寫回諭在初三日亦射入賊營不暇入報抄寫



國朝從信錄 卷三十四  
上覽是日晚連放火炮賊營燈火不絕疑是攻城太府紀  
用與職等遍傳預備果於初四日丑時提馬步兵數萬擡  
運車梯齊攻南面自寅至午連攻數十陣賊死于司禮監  
魏忠賢發來火炮及火鐸矢石填滿溝渠平地積尸如山  
四王子在教場下黃帳房穿黃衣力催攻城又過三時賊  
死更倍而竟日賊亦用火砲攻打城牆至酉時賊方撤兵  
敗歸所造挨牌車梯戰具隨發兵下城燒燬死不下二三  
千是役皆仰仗

皇上

威靈司禮監魏忠賢妙算內鎮紀用同職及前鋒總兵左  
輔副將朱梅都司紀鯨劉應選公同諸將士對  
天舉誓俱願拚命殺賊仗

朝庭謝諸神保護是以有此奇異大捷職等實不敢貪  
天爲功爲此塘報

寧遠大監紀用飛報捷音切照逆奴圍困錦州大戰三次  
大勝三捷小戰二十五日無日不戰奴賊于城外以是初  
四日奴賊提兵數萬蜂擁以戰我兵用火砲火鐸與矢石  
打死奴賊數千中傷數千敗回賊營大放悲聲隨于焚化  
酋長屍骸處

天墜大星如斗其落地如

天崩之狀衆賊驚恐終夜至五鼓撤兵東行尚在小凌河  
北營留精兵殿後臣卽同總兵趙率教前鋒總兵左輔副  
總兵朱梅等發精兵防哨外是役也若非仰仗

皇上

天威厥臣密授

廟謨令臣等與趙率教等把守錦州要地可據以復地滅  
奴臣等苦心鏖戰閣部密籌督撫部道數年鼓舞將士安  
能保守六年棄遺之瑕城一月烏合之衆兵獲此奇異之  
捷爲此塘報

兵部奏奴賊歸巢奉

聖旨據奏狡奴敗奔折毀所過城垣恨極不忘報復事定  
卽當謹防說得是降奴未卜真僞着押解入關赴總督衙  
門分發安插具見遠慮依議行錦州將士勞苦功高急須  
犒賞着太僕寺借給二萬兩光祿寺借給三萬兩刻期差  
官解赴軍前分賚三軍以作士氣

平遼總兵毛文龍奏奴謀極狡奉

聖旨覽奏奴孽在逞叵測既經挫衄渡兵踞鮮復借西虜  
闖入秋冬津蠶在在宜防喜峯口等處要害埋伏火器堅  
壁厲秣以待具得制勝先着說得是巡將李鑛李鉞及鄭  
繼奎鄭繼武高應詔散法廢紀若不正罪何以懲衆着內

鎮臣會同督撫諸臣，卽行梟首，以肅軍律。

鎮守海外太監胡奏報區畫海外形勢，奉

聖旨覽奏，該鎮已達皮島，宣揚明旨，賞賚軍士，安撫屬國，分揮難民，偵探奴息，深體朕與厥臣憂勤國事，軫念危疆，至意朕心嘉悅。所陳皮島株守孤懸，不便建閘，而廣鹿牛島襟帶登津，路通奴腹，可以聯絡屯種，牽制出奇，移島實便聚米而籌，情形瞭然。內鎮毛帥卽於長山建牙設重，如議便宜行，皮島舊鎮毛承祿屢建膚功，着加副總兵職銜，偏師駐彼，用張犄角，東事破壞，委緣中外因循，該鎮悉心區畫，訓練兵馬，相應戰守機宜，以稱任使。

總督閔鳴泰奏奴泛海有據，奉

聖旨錦寧鎮將受厥臣秘謀妙算，屢建奇功，奴膽已寒，滅之有日。然聞奴新得鮮國海艇四百隻，又令麗人打造戰船四百餘號，當憤敗時，轉陸爲水，以此報復，狡謀叵測。乃南海口覺華島水兵船隻俱遣東援，誠爲可慮。前旨往淮揚召募船一百二十隻，着工部催督星馳前來，限本月內到關，以資防禦。其調募水兵駐紮南海口及覺華島添舟簡將，該部卽酌議具覆。

海寇鄭芝龍等犯閩中銅山中左等處

巡撫朱一馮奏略閩固海國風多海寇年來嘯聚寔繁有徒小者不論其大者如鄭芝龍號一官老西二老陰

兩軍後有餘

卷三十一

子馬等各起，俱號為刺盜，而芝龍尤橫。以二百餘艘往來閩粵之間，劫掠商漁，所在見告。近西二老為蔭子馬所併，歸于芝龍。二賊為一，本年二月二十二日，芝龍交把銅山寨，把總茅宗憲所任不備，遂擄船殺兵，焚燬官民房屋無數。時臣未入境，總兵俞咨阜讓調水標及北中二標之船，統之南路。副總兵陳希范與水標遊擊秦文燦、率左翼把總洪應斗、右翼把總陳嘉誼及北標把總陳望高中，標把總林文煥、會師擒勦，移會按臣周行開臣以三月十八日入境。四月初一日抵會城，一面嚴備舟師南下，申飭諸將吏務破積習，滅此朝食。二月二十八日，賊犯中左，希范與泉南遊擊金富廉力拒之，而退。臣謂賊未經大創，必且復來，隨嚴檄會勦之師，扼戈以待。于時咨阜駐中左，希范等率三標及南路之兵，泊銅山。四月十九日，賊乘南風，出不意，復犯銅山。我兵對敵焚其鳥船一隻，緣賊在上風，我兵遂戰不前。賊焚燒多船，洪應斗未知兵之焚死及潰散者，屠羊，希范退保中左。臣維沿海一帶，如南粵陸贛、文鐘鎮海以及銅山，俱屬要害。亟調陸兵防守，又令有司陳紳兵防禦。泉門戶傲高廉以泉南兵船擊賊，而希范收合餘燼，相

為犄角，賊果于二十二日復入中左，復為官軍所退。出泊于外洋，二十四日南風大發，賊乘風復入。泉南使禦之，不勝，船被燒十餘隻。臣先後得分巡漳南道副使朱大典及漳州府海防同知黃運昌、泉州海防同知何齡稟報，梗概如此。而船之所失若干，兵之所失若干，各道及館未以的數報臣，屢催未到，欲確查臚列上來也。以索前所招撫楊六揚七，遍張偽示，聲言報仇等語，雖或假此為名，亦未可知。而楊六等不能殺賊自贖，向者教官兵則鳴張，今者遇賊則蜷縮，節經臣發檄，杳無以應也。緣閩中官兵因循養癰，不知有勦賊一事，臣旬日之間，籌畫督責，幾于筆硯禿頰，而諸將本無鬪志，為賊所愚，妄意賊之不來。及一旦賊至，倉皇失措，雖兩戰間有奔潰，亦曾格鬪，其間勇怯不等，而提防既疎，紀律未，使賊勢益張，我氣遂奪。見今道館告急于臣，請發援兵，羽書狎至，而船兵之損失已多，造船募兵，動費時日，且閩省自西庫銀解助大工外，帑藏若洗，無米可炊，束手坐困。除臣暫借布政司庫銀解咨臬債船一百五十隻，以圖再舉，剿賊一發都司洪

兩月

卷三十一

天七月七

先春往海上召募及製造船器以為奇兵一于同安海澄等縣各發銀召募鄉兵仍發省城應援外其中夫事將吏應分別論罪若夫閩將之畏賊甚于畏法閩民之從賊甚于從官痼疾入其膏肓酣睡難以喚醒臣不能翻從前之策曰亦何以承向後之担負且賊殺兵而不殺民掠富民而少施于貧民勢甚鴟張人心風鶴南風則走閩比風則走粵非兩省會剿無以制其死命見今粵省督臣約會進師臣已拮据應之容嗣報

聞伏乞  
皇上軫念

封疆

勅下該部先將失事各官議伏并議用兵之費而另擇將將之人此則所以為地方計者矣臣愚幸甚

延綏總兵楊肇基建義士祠奏

聞奉

聖旨綱常萬古不毀全賴人心忠義這平奴死難諸人深

可嘉尚該鎮捐資建祠具見同袍厚誼着該有司官春秋

祭享歲為永例用表忠魂以磨勵風俗

上不豫命遣官代行孟秋享

廟禮

時皆媚逆竟以魏良卿代  
大禮為之弗光

宣延鎮之捷

先是套虜入犯斬馘二百五十至是  
祭告宣布

禮部侍郎李康先太常寺博士汪始亨冠帶閒住

亦坐以明  
戶

承天建鴻惠祠畿南建旌功祠山東建隆禧祠江北建瞻



德祠。○濟寧祠名表勛。湖廣祠名隆仁。一崔文升建。一巡撫姚建。

鴻惠係湖廣守備李監所請。瞻德係漕運內監崔文升所請。猶曰彼同類自相擁戴。如旌功則薊遼總督閻隆禧則山東巡撫李如哉。勢利之場。君子之所弗蹈。而彼以一官為重。貽子孫莫蓋之羞。亦可哀矣。

惠王選侍王氏於本月初七日巳時生一子。

兩朝從信錄卷之三十五

秀水 沈國元述

七月

刑部請出竇承武。竇濬于獄立功贖罪。以其有可矜疑者。四也。夫援師急赴。而以爲逗遛。擁衆殿後。而以爲叵測。奉催入關。而以爲棄城。况承武閱歷邊疆。敢冒鋒鏑。屢有斬獲之功。今年力精壯。狀貌驍勇。昔在錦州。奮力殺賊。身被六矢。其子濬單騎舞鎗。冲鋒殺入。救父而出。官兵奮勇繼之。遂克奏捷。此塘報之可覆閤者也。開其一面。使得自效。必有可觀。

賜樞臣王之臣尚方劍，駐劄寧遠。大帥以下聽其節制，以

圖戰守犁掃機。臣時袁崇煥以病乞歸也。

寧遠內藩山海外接錦州，聲援所聯首尾交奏，非老成持重練達邊事者不可。故以樞臣出鎮焉。

詔錦州等處又秋禾，欽運入城，兵將分信嚴偵。

時奴圖再犯，因掃于我，故宜預行收割。其將士應派信地偵諜，整飭兵務。

一片石西界忽生鉛鑛，可資火器。

上命會同督撫道府開採煅鍊。

河南試官吏部員外王應泰，禮部員外劉伸，山東試官中

書張養正，陸一騏，山西試官少卿蔣一驄，戶部主事陳賓

盛。

產鉛

時袁撫物議紛紛以主倭奴之說也

昌平大同調兵中途逃歸，沿途借端擾害。科院請嚴治之。

先是錦州被圍，調邊鎮之兵以援之。惡兵袁千兒等有借行糧而毀餉署公物，有強割平民之耳，而又歐傷其子，半路逃散紛紛。軍法之所不赦。

太監紀用奏防奴事宜，奉

聖旨：奴孽挫歸，挾憤圖報，勢所必至。據留枝順、都邑等酋

以作嚮導，山海喜峰各口處處當防。說得是錦城奴所必

爭，喀山勢亦相倚。既經派定健將戍守，今慮修築工艱，奴

騎衝突，便當審處緩急。商定築防要着，該部確議回奏。至

寧城濬壕築土為外障，以屯聚軍民。保定等處不必調發

援兵，止調薊鎮以防山海，揀山海銳卒以濟關外，俱鑿鑿

中竅轉盼秋高各口要害儲火器繕甲兵嚴加厲秣以圖  
戰守信地時刻難緩都着該部速與議覆行  
兵部奏關外需人甚急奉

聖旨關外戰守需將才甚急而各營伍惟西兵得力說得  
是楊嘉謨既習西兵即着招募精銳勒限前來以壯軍聲  
江焜夏登仕官維賢鄭一京都着各帶親丁作速赴遼用  
備緩急官維賢聽立功自贖俱依議行

傳免獻俘臨御吉典時

聖躬未霍然也

命傳示夷首於各邊

錦州之戰生擒賊夷五十九名刑部獻俘鴨力把哈什  
兔戶以漢哮囉個撤具便交遲處決審代等俱斬首處  
決其病故錯舊仍行戮屍一併傳首各邊

禮部奉

聖旨覽奏遼士復還遼土就試順天甚得掄才寓招集之  
意但秋試甚邇士從登萊跋涉歸遼途遙試阻反孤士望  
姑着照甲子例中一名於東省俟庚午秋盡屬順天共中  
四名關外遼士就試寧前道委爲妥便其廩例納監暫將  
印結咨監考試還行文原籍查確方准實歷俱如該部所  
議行

太監劉應坤奏援師救錦奉

三等

聖旨錦寧之捷振起積靡克暢天威皆賴厥臣魏忠賢一腔忠誠萬全籌筭恩威迭運手握治平之樞謀斷兼資胸涵匡濟之略安內攘外濟弱扶傾念殊勛之難酬宜恩禮之申錫着加恩三等廕第侄一人與做錦衣衛指揮使世襲給與應得誥命賞銀八十兩采段六表裏羊二隻酒三十瓶新鈔三千貫仍賜勅獎勵以示優異監臣王體乾梁棟李永貞石元雅王朝輔郝隱儒李實涂文輔崔文升功叅密勿績茂儲胥着各加恩二等廕第侄一人與做錦衣衛指揮同知世襲給與應得誥命賞銀五十兩采段四表裏鎮臣劉應坤鼓舞將吏努力戎行匪直大挫賊鋒于寧

二等

三等

遠有却敵之効抑亦深寒虜胆于錦州有解圍之功着加恩三等廕第侄一人與做錦衣衛指揮同世襲給與應得誥命賞銀六十兩采段四表裏李明道劉忠陶文楊朝杜勛矢心緩急殫力馳驅着各廕第侄一人與做錦衣衛副千戶世襲給與應得誥命賞銀三十兩采段二表裏胡良輔葛九思張守成李應江聲實相資特為叙賚着各廕第侄一人與做錦衣衛副千戶世襲給與應得誥命賞銀三十兩采段二表裏苗成郭尚禮金節田奉張大興分猷邊塞着各廕第侄一人與做錦衣衛百戶世襲給與應得誥命賞銀二十兩采段二表裏賈進朝賈進忠馮允升董元

儒閭恩印劉尚用王愛陳費許光先崔良用劉希正馬化  
龍馬忠孫正賓効力戰場趨事罔懈着各廕第侄一人與  
做錦衣衛百戶給與應得誥命賞銀十五兩彩段一表裏  
滿桂尤世祿孫祖壽楊嘉謨等浩氣枕戈壯懷吞虜楊宋  
孫方鶴王崇德及王文元等詰奸禁暴并戰在事有功內  
外文武諸臣俱着作速分別優叙陣亡及輕重傷官兵俱  
照例優恤以昭激勸王之臣等俱有旨了該部知道  
太監紀用奏元臣殫心制勝奉

聖旨錦州之捷雪耻除克十年僅見朕心加悅厥臣魏忠  
賢貫日精誠補天經濟徹桑籌著帷幄刻刻關心軍實邊  
需接濟源源奏手助資十萬身作長城尤爲崇功堪藏盟  
府朕所洞鑒宜有特恩着該部照依寧晉伯事例速議具  
奏以彰朕酬眷元臣至意閣臣功在帷幄朕自加恩內  
鎮臣紀用捍孤城以却勁虜振久弛以挫方張義胆忠肝  
持危濟弱此番却敵厥功爲最着加恩三等廕第侄一人  
與做錦衣衛指揮同知世襲給與應得誥命賞銀六十兩  
彩段四表裏內臣胡輔忠竭力不避險難接濟應邊深  
副特遣着廕第侄一人與做錦衣衛正千戶世襲給與應  
得誥命賞銀四十兩彩段三表裏孫茂林武得間關問道  
共濟軍實着廕第侄一人與做錦衣衛副千戶世襲給與

應得誥命賞銀三十兩彩段二表裏楊德玉黃友德孫玉  
守能護城戰能斬馘廕第侄一人與做錦衣衛試百戶世  
襲給與應得誥命賞銀十五兩彩段一表裏孟吉祥吳秉  
臣楊高進朝鄭良輔宋永福劉成楊承芳武進高起潛傅  
貴周之禎馮應斗陳朝孔適王進履險爲鋒均着廕第侄  
一人與做錦衣衛試百戶給與應得誥命賞銀十五兩彩  
段一表裏王之臣郭允厚黃運泰薛鳳翔閻鳴太袁崇煥  
劉詔中外同心安攘懋績趙率教左輔朱梅志切同仇功  
著急難科道餉司及戰守在事有功內外文武諸臣俱着  
作速分別優叙陣亡及輕重傷官兵俱與照例優卹以昭

激勸該部知道

宣大三軍半載絕糧撫臣奏饑奉

聖旨方鎮重地軍馬糧料缺至四五月防禦何資已有旨  
速催民運如何違玩不遵其山西河南見征銀二十九萬  
餘兩并所欠本色着勒限解發有仍前延挨的叅來重究  
仍於京運新欠銀先奏處十數萬星馳至鎮以濟燃眉該  
部知道

京民二運積欠二百九十二萬九千有奇

吏部奉

聖旨魏忠賢報國心丹吞胡志壯整戎備伍立三捷之奇

安平伯

功雪耻除克洗十年之積恨績奏安攘烈茂山河寧晉葵  
典昭然世爵褒封允當着廕第任一人特封為安平伯世  
襲歲加祿米一千一百石錫之誥券與國同休仍賞銀彩  
段羊酒新鈔賜勅獎勵以光賁大典風勵忠良

南京主考陳其慶張士範

詞臣楊汝成閃仲儼馬之驥劉垂寶賀逢聖科臣劉先春

虞廷陞臺臣徐揚先部臣馬任遠削奪

俱以門戶削除

巡按許其孝請建瞻恩祠於淮楊

大將左輔卒

遠東失一  
長城可惜

守錦州

樞部上言軍中之當籌尚多而目下之吃緊有四曰錦  
州不可不守也頃內鎮與督臣之疏皆論守錦而兩可其  
辭臣愚以為當斷在必守夫全遼疆上期於必復咫尺錦  
州豈可異議況向以修築未完之日尚能據以挫賊今乘  
此戰守已勝之餘何難憑以自固且尤帥乞為信地增兵  
奉有

城塔山

明旨宜一意修葺城垣整頓兵馬料理芻糧為有進無退  
之計可也一日塔山不可不城也錦州既在必守而聯絡  
於錦寧之間者惟塔山是恃即無城猶當增置況有城何  
難修葺第恐轉眼秋高時日迫而工程大故顯慮不決耳

練火器

臣以為城欲堅不欲大。止就舊垣補葺。本山之石與附近  
殘堡民房之磚。運而砌之。亦甚易也。一日火器不可不練  
也。與奴爭于數歲之內。我之騎射不如奴。若擊奴于百步  
之外。神器所至。奴之騎射無所施其力矣。我之火器未嘗  
不精。火藥未嘗不多。要必使件件各盡其用。人人俱擅其  
能。則一器可以斃數奴。一人可以發數器。即用寡敵衆。當  
無不勝。況我之兵且倍於奴。無笑哉。一日車營不可不備  
也。夫均此火器也。用以城守。則有餘。用以進戰。則不足者。  
無他。營壘不堅。無所據以展其技也。可以堅我營壘。拒奴  
衝突者。莫如車。而諸將支吾。若視為緩圖者。未能窮其製

備車營

耳。前臣等在文華門見發去關外之車。以古制而妙。新裁  
即拒守而為搏戰。其法盡善。關外宜倣而多備之。俾諸營  
皆以車為生。克以步卒足以盡火器之長。中藏馬兵。可以  
妙出奇之計。進憑以攻。止據以守。則有勝無敗之勢。常在  
我。以至若某處應兵若干。某處應馬若干。芻糧應用若干。  
器甲藥料應若干。是在督師與內外鎮臣熟計定額。各部  
竭力預辦。而速應之。非臣部所敢逞揣而度。越俎而談也。

建昌路通

禮部申明表貢 大典事宜奉

聖旨。遼藩支庶歸併。惠藩表箋封婚等項。悉歸類進奉祀

以滇之要



六廟祭掃湘陵一節照舊仍屬遼藩以明支庶而妥幽冥  
着如議行

越出奇之精藝悉以文正兼以中限亦細  
習以車為生京以壯卒兵以盡火器之  
中蘇燕兵可以  
哨非守而為軒輝其志盡善關其宜州而  
之制而之制  
狂前日華文華門其發去關於之車以古  
時而之

八月

順天典試簡討徐時泰孫之獬

禮部以

三殿告成萬靈效順請擇吉

臨御

上以方在靜攝少需擇期而行

天啓五年二月二十二日啓工至七年八月初二工完  
共用過工價五百九十五萬七千五百十九兩零

南京吏部尚書王在晉敬效愚忠疏曰勝亦兵之常謀居  
勇之上辨賊之所以退則知賊之所以來來者因糧也去  
者食盡也沿海之露積豈一炬之可焚而關寧之乏餉幾

公經略關  
門綱中蚤  
有成算矣  
故所奏著  
著得覈

天啓五年

卷三十一

天七八月一

曠日之難久。今後海運之交割。須先儘內地海瀕之暫卸。務轉運城中。而後我飽賊饑。賊必不至。至亦不能久留。彼踰河跋涉。牛馬不能以負芻。我結連屯堡。畜預宜以收斂。堅壁清野。以主困客。是為今時第一義。動以挑之。不如靜以鎮之。先聲以怖之。莫如後實以疲之。惟畜銳以固其防。勿輕嘗以入其穀。儲火藥。精器械。練兵卒。搜奸宄。結人心。是為今時第二義。溽暑非酣鬪之時。強奴有未盡之技。時至秋深。則馬肥於草實。弓效於風高。海颶不便。運艘難于轉輸。秋月信明。乘宵慮其掩襲。此秋防之當謹也。入冬。則輜重可以躡冰。胡騎逕能飛渡。島師難施牽制之力。凍土

易曠繕築之工。霜雪嚴凝。手足皸瘃。彼向陽而就煖。我性冷以迎寒。此冬。春之可虞也。七城之生命待食於一綫之餉道。津門之水岸有限。而海天之浩淼無窮。覺萃新募之遠人。能慣涉海。而淮揚所造之船隻。猶恐後時。毛帥孤屯。必駐師要地。而後可牽黠奴之狼顧。西夷多狡。必永懷好音。而後可固薊北之藩籬。此俱今日之要圖。而天與我以綢繆修備之暇。廟廊之上。當悉心講求。時乎時乎。此其萬不可失者也。又念各邊之調遣殷煩。而農部之供輸久匱。奴若再來。必非尋常之戰。須早辦軍需火器。備臨期之緊用。預筭其所難。

而先籌其所急庶不為臨渴掘井之謀而有當于曲突徙薪之慮此在心膺重臣又有成筭而臣等深心惕患輒敢佐一籌若夫戰勝而惧好謀而成內外協心將士併力采芻蕘以資謀議核功實以昭勸懲明明在上濟濟在廷自饒為之臣等無庸喋喋矣

加寧國公魏良卿太子太保應襲伯爵見任錦衣衛指揮使魏明望晉秩少師

無端逆孽屢僭宮衙德薄位高忽焉傾滅理勢然也特彼身在局中而不悟耳

簡討楊世芳冠帶閑住

岷府妃父郭之沛授西城兵馬職銜

東安侯

封魏忠賢弟侄一人為東安侯世襲

既以 殿工封之何云東安顧名思義其何以處

叙三 殿大工勞事之臣

督理諸臣原宜優叙以酬其勞然而非僭則濫恐有品骨之人所不願與寺婦同功也

戶部奏議邊餉重務宜有專官奉

聖旨邊餉重務照倉場錢法例宜設專官說得是着將該部左侍郎加督理邊餉字樣專重其事合舉堪任的來看主專理邊餉司官選精敏的加銜用其堂司官應鑄關防俱如議行卿掌邦計邊腹財賦咸所提衡還宜兼總其成以裕邊儲

聖諭奉聖夫人事朕襁褓清弱之時勞深調護及受顧託益勤兢業倍加節宣近朕冲齡嗣服倚毗周旋更着勞績二十三年始終一心忠慎不替兼以捐俸急公不一而足德茂淵懿真可嘉尚茲殿工捷音兩次叙賚宜隆報元功着加恩三等賞銀一百兩彩段六表裏羊四隻酒六十瓶新鈔五千貫賜勅獎勵外廕弟男一人與做錦衣衛指揮使世襲給與應得誥命昭朕篤念酬答至意禮科李覺斯上言奴賊一見挫于寧錦而東江又已大創矣在奴之伎倆已盡而我之胆氣倍張乘此長驅勢且破竹職愚以為今之計惟合寧錦之兵與東江之衆各分為

要言不虛  
識高數輩

余亦主此  
說

數隊逆發一軍以擾其東寧錦擾其西彼必呼集而應彼聚則我散彼散則我伏果更番迭出使其一國之衆疲於奔命而我且由錦而義由義而廣寧步步為營着着逼奴使竄還故穴則有坐而受縛耳大抵天下事能守則能戰能戰則能攻年來以守則固以戰則勝誠因此而為攻取之計直可唾手得者然所以辦此者有要焉募土兵也練火器也習車營也備舟師也語有之狂兵滿萬不如召募數千故三代以來皆藉民為兵彼物力資產既切於已父母妻子又繫其心以之禦戎人自護其家家自報其仇有不當奮勇取勝者乎我之長技惟火器此亦明效大驗已

要着與兵  
部論相符

第必平時習演慣熟。然後臨敵點打無差。今宜擇能者以爲教師。使之人人共盡其長。語所謂練兵者先練胆。練胆者先練技。此乃練兵之實着也。古用車戰爲其動足以冲突。止足以營衛。士卒有所庇。衣糧有所資。而況我旣以火器制奴。而火器必以車載。而後可以遠馳。而後可以機發。準也。則車隊之布置宜習矣。奴之狡謀叵測。旣窮於陸。或又逞志於水。未可知。卽彼不能來。而我以三老舟師。溯流上下。時以冲其脇。時以牽其尾。使奴水陸兩顧。而手足俱慙。此亦虛聲遙喝之術也。夫殺敵者怒也。不畏法而畏敵。惡戰樂罷。僥倖無事。欲圖恢復。其何日之有。故朕願在事。

諸臣亟宜以

皇上之心爲心。乘機策勝。鼓勇合謀。俾久淪之士。予以復憂勤之

聖慮少紓。則職愚幸甚。封疆幸甚。

英國公張惟賢恭候

萬安奉

聖旨。清心靜攝。願養天和。是珍調良法。卿等候安。具見忠愛至意。知道了。該部知道。

魏良棟准封東安侯。世襲。加授太子太保。

三殿告成行

欽恤之政

防奴

時警報遞至，或言搶西虜庄禾，或言搶錦寧田禾，總之奴甚狡，或聲東擊西，皆未可知，而一迫于饑荒，一急于報復，則奴之真情形也。

禮部接

皇后懿旨

大行皇帝，奈素秉虛弱，兼東事焦勞，得患時疾，醫藥罔愈。於天啓七年八月二十二日申時崩逝，合行喪儀，事理着禮部便會同翰林院計議，從厚具儀來看。  
又接出

大行皇帝崩逝，命婦免哭臨，并祭禮部知道。

皇五弟令旨

皇兄崩逝，今有文武大小官員，於文華殿行問慰禮，請速即位，今細詳之，所有例行郊祀等諸大典未行，禮恐未協，還着該部詳議來看，特諭。

又接出

一箋

皇五弟信王令諭，文武羣臣軍民耆老人等，覽所進箋，具見卿等愛國至意，顧予哀痛方切，繼統之事，豈忍遽聞，所請不允。

又接出

二箋

皇五弟信王令論文武羣臣軍民耆老人等所奏進箋具見卿等爲宗社至計言益諄切披覽之餘愈增哀慟豈忍遽卽大位所請不允

又接出

三箋

皇五弟信王令論文武羣臣軍民耆老人等卿等合詞陳情至再至三已悉忠懇天位至重誠難久虛況遺命在躬不敢固遜勉從所請

二十四日

上登極文武百官朝賀

奉

天承運

皇帝詔曰我國家

列聖纘承休烈化隆俗美累洽重熙遠垂萬禩我

大行皇帝仁度涵天英姿憲古勵精宵旰銳慮安攘海宇

快觀維新疆土勤思恢復萬機總攬六幕禔庶方啓鴻圖

忽賓

龍馭爰膺

顧命及於眇躬相聞憑几之言凜受承祧之重而文武羣臣及軍民耆老合詞勸進至於再三堅拒弗獲乃仰遵

遺詔於八月二十四日祇告

天地即

皇帝位以明年為崇禎元年朕以冲人統承鴻業

祖功

宗德惟祇服於典常吏治民艱將求宜於通變毗爾中外  
文武之賢贊予股肱耳目之用光昭舊緒念茂新猷所有  
合行事宜開列於後布告中外咸使聞知

文書房傳出揭帖

聖旨朕生母

光廟貞靖賢妃老孃孃當尊謚

皇后并祔葬事宜等速擬勅諭來看

又揭帖

聖旨

大行皇帝陵寢作速會官選擇禮部知道

加恩文武軍民人等

賞資守邊官軍

免召買香燭節省二萬餘兩

禮部奏服制二十五日起九月二十一日除服

禮部奉

聖旨朕哀思方切豈遽忍離喪次其以九月初六日

寬政

初



